



EBAZPENA, 2011ko maiatzaren 2koa, Lanbide Heziketako eta Etengabeko Ikaskuntzako sailburuordearena, Euskal Herriko Autonomi Erkidegoko Helduen Hezkuntzako ikastetxe publikoetan 2011-2012 ikasturterako eskola-egutegia egiteko osagarriko arautegia ematen duena.

Euskal Autonomia Erkidegoko Helduen Hezkuntzako ikastetxe publikoetako eskola-egutegiak, 2011-2012 ikasturtean, ondoko arauari jarraituko die:

1.- Ikasleek jasoko dituzten irakastegunak, gutxienez 175 izango dira, HHEko ikastetxeetako berarizko ekintzak eskola-egunen barne direlarik, hala nola elkarrizketa pertsonalak eta ikasleak talde eta maila ezberdinetara bideratzeko hasierako frogak.

2.- Ikastetxe publikoetako irakasle guztiak ikastetxera irailaren 1ean sartuko dira (ikasturtearen plangintza eta prestakuntza, eta ikastetxearen urteko plana lantzeko....) 2011-2012 ikasturteko hasieraren jarduerak egiteko. Elkarrizketa pertsonalak eta hasierako frogak burutzeko irakasleen irakastegunak irailaren 6tik aurrera kontatuko dira. Lehenengo lauhilekoko zuzeneko irakaslanak irailaren 15ean hasi beharko du eta urtarrilaren 27an bukatu; eta bigarren lauhilekoa otsailaren 6an hasi eta, beranduen jota ere, ekainaren 22an bukatu. Urtarrilaren 30etik otsailaren 3ra bitarteko astean banan-banako elkarrizketak eta hasierako-frogak egingo zaizkie bigarren lauhilekoan taldeetara sartzen direnei. Lehenengo irakas-eguna 2011-2012 ikasturtearen aurkezpena egiteko erabili ahal izango da, eta hurrengo eguna klaseak emateko egun efektiboa izango da.

3.- Irailean eta bigarren lauhilekoaren hasieran irakaslegoak ondorengo ekintzak eramango ditu aurrera:

- Ikasturtearen plangintza eta prestakuntza, eta ikastetxearen urteko planaren lantzea.
- Ikasle berrien matrikulazioa.
- Ikaslegoa talde ezberdinetara bideratzeko elkarrizketa pertsonalak eta hasierako frogak.

Ekainaren 25etik 29ra bitartean ez da klaserik izango eta beste ekintza batzuetarako erabiliko da: Ikastetxearen urteko plana ebaluatzeko, Ikasturtearen Oroitza prestatzeko eta beharrezkoak diren administrazio-agiriak betetzeko. Uztailean ikastetxeko zuzendaritza-taldeko kideek euren karguen zereginak bete beharko dituzte. Hilabete horretan eta klaseak ematen ez diren ikasturteko beste aldietan (abuztuan salbu), zuzendaritza-taldeko kide bat, gutxienez, beti izango da ikastetxean edo berehala ikastetxean izateko moduan.

4.- Ezinbesteko kasuren batengatik eskola egun kopurua murriztuz gero, egutegia egokitu egingo da, ezarritako eskola egunak ematea lortzeko, beti ere langileen lan eskubideak errespetatuz.

Egutegia egokitu behar izanez gero, hasierako prozedura –egutegia finkatzeko erabilitakoa- bera erabiliko da, eta hori ez badu gobernu organo eskudunak egiten,



Hezkuntzako Ikuskaritzak eskatuko du egutegia egoki dezaten. Eskaera horri erantzun ezean, Hezkuntzako Ikuskaritzak egokituko du egutegia eta ikastetxeari jakinaraziko dio.

5- Eskola-egutegia egiteko, dagokion urteko Autonomia Erkidegoko lanegunetako jaiegunen egutegi ofizialaren arabera jaiegun izaera dutenak izango dira jaiegunak, baita herri edo dagokien lurraldeko zaindarien jaiegunak ere. Edonola ere ezin izango da jaiegun hauetakoren bat eskola-egun edo eskolak ematen diren egun bezala hartu.

Ikastetxeek, nahi izanez gero, jaieguntzat hartu ahal izango dute maila jakin bateko zaindariaren eguna, dagokion egunean zein aukeratzten duten ordezkaturako beste egun batean ospatuz. Edonola ere ezin izango da jaiegun hori eskola-egun edo eskolak ematen diren egun bezala hartu.

6.- Eguberritako oporraldiak 2011ko abenduaren 24tik 2012ko urtarrilaren 6ra bitarteko aldia, gutxienez, hartuko du, bi egun horiek barne.

Aste Santuko oporraldiak, 2012ko apirilaren 5etik 9ra bitarteko aldia, gutxienez, hartuko du, bi egun horiek barne.

7.- Eskola egutegiaren proposamena tramitatzeko 2008ko martxoaren 10ean Hezkuntza, Unibertsitate eta Ikerketa sailburuak emandako Aginduko 9. atalean ezarritakoari jarraituko zaio, (2008ko apirilaren 25eko EHAA).

2011ko ekainaren 1a baino lehen, ikastetxeetako zuzendariak hurrengo ikasturteko eskola-egutegiaren proposamena igorriko dute dagokien Hezkuntzako Lurralde Ordezkaritzara, ikastetxeko O.O.G.k hori onetsi zuen bilkurako aktaren kopia erantsiz.

Ikastetxeek, Hezkuntza, Unibertsitate eta Ikerketa Sailak horretarako espreski diseinaturiko aplikazio informatikoa erabiliz egin behar dute proposamena, beti ere Hezkuntzako Ikuskaritzak jakinaraziko dien argibideak jarraituz.

Egutegi proposamena ikastetxeko O.O.G.k egingo du, baina ikastetxeren batean organo hori osatu gabe badago, irakasleen klaustroak egingo du egutegi proposamena.

8.- Ikastetxeren batek, finkaturako epealdiaren barruan beren eskola-egutegiaren proposamena bidaltzen ez bada, edo bidalitakoa onartzen ez bada, dagokion Hezkuntza Lurralde Ordezkariek egindakoa onartu behar izango du.

Vitoria-Gasteiz, 2011ko maiatzaren 2an

LANBIDE HEZIKETAKO ETA ETENGABEKO IKASKUNTZAKO SAILBURUORDEA



Izp.: Carlos Crespo Velasco